

A. F. III IV 14184 / A

17/6

BOATE

65. A. 72

29950

part 11/14

Boot. *Practatus* valde
curiosus et *rarus.* L.

(2)

D E R E
M E D I C A.



HAGÆ-COMITIS,
Apud JOHANNEM KITTO, Bibliopolam.
c15. 15c. c111.

D E B

M E D I C A



W E B



REIPUBLICÆ
MEDICÆ
PRÆFATIO.



Uid mihi hac nostra præsertim ætate, qua valdè pauci veritatis inquisitioni sint dediti, sed pecuniam, civilem potentiam, & inexplebiles voluptatum delicias duntaxat suspiciant, in mentem venerit de Re Medica, & primum de Opic, Medicamento nobilissimo, & universali anodino, undè vere òpium dictum, perscribere, per multos miraturos prospicio. Non enim jucunda dictu, aut legentibus blanda continet, nec orationes, eventusque varios admittit sterilis hæc materia, & si quis Sapientiæ quod-

P R Æ F A T I O.

vis studium sectatur, pro insano hunc habent, quippe primam ipsam, verèque sapientiam, quæ Divinarum humanarumque rerum est scientia, ne esse quidem omnino existiment: Medicinam verò, Rhetoricam, Geometriam, Arithmeticam, Musicam, ac reliquas id genus esse quidem autument, cæterum finem earum studiosè persequendum minimè censent. Nec equidem ignoro plures insignes eloquentiâ, Doctrinâ, Judicio, de hac Panacæa abundè scripsisse, ideoque stultissimum fore me, [ingenium nobis perquam mediocre cum sit] cum illis ævi nostri Luminibus vel ingenio vel eruditione conferre. Quales ex Germanis Paracelsus, quasi Celsus, Hartmannus, aliique, ex Anglis doctissimus Willis, nuperrimè mortuus. Ex nostratibus Blankart, Overkamp, Bontekoe, &c. qui nisi stili nasum condidissent, vel inimico Judici approbari possent, laborumque suorum laude absque tantâ invidia floruissent. Nam difficile est, ad veritatem revocare eos, qui sectæ alicujus servituti se addixerunt, juxta Comici illud.

P R Æ F A T I O.

*Ut Ligna tortuosa nunquam corrigas
Virides nec arbor vetus , alio si transferas ,
produxerit stolones.*

*Non ideo tamen cunctatus sum , nec à
proposito discedendum cogitavi.*

*Satis jam sibi Gloriæ quæsitum , & po-
tuisse desinere , ni animus inquires pascere-
tur opere , inquit Titus Livius Romana-
rum Historiarum Auctor celeberrimus.
Sed rem occultare , quæ ad salutem homi-
num conducat rustici mihi admodum vide-
tur , decorum enim est posteros pro viribus
juvare. Non enim gloriæ stimulis , &
aviditate percitus hæc in lucem prodo ; sed
ut Reipublicæ Medicæ placeam , studio-
rumque otiosis , hoc duntaxat præmio con-
tentus , quod dum ista meditamur , nos à
perversis & obliquis conversationibus sub-
trahamus.*

*Loqui Musa dedit Grajis ore rotundo,
Nullius præterquam laudis avaris.*

*Non dubito multa me præterisse , homo
enim sum , & occupatus officiis , succi-
visque temporibus ista curamus , & hoc*

P R Æ F A T I O.

modo pluribus horis vivimus, vita enim vigilia est. Sed Pseudo-Medici, atque jatroaliptæ, qui temerariè depelle humanâ ludunt, magna atque pretiosa in Librorum titulis pollicentur. At cum intraveris nihil minus, quam magnum Elixir, Panacæam, sive universalem Medicinam invenies, quamvis unico statim Pharmaco, tanquam mysterio, omnes statim morbos, se sanatueros audacter jactitant. Non ideo tamen dubitamus multa arcana veteribus ignota hoc sæculo esse reperta. Dies enim diem docet, nec omnia possumus omnes, sed falsæ opiniones animos hominum præoccupantes, non solum surdos sed & cæcos faciunt sectis addictos, & consecratos Medicos ac Philosophos, nam citius Moisi asseclæ & Christi discedent de sua disciplinâ, quam illi qui jurarunt in verba Magistri. Nam

- - - Quo est imbuta recens
Servabit odorem testa diu.


Si Cicero mutuandum præsertim cum de Republica scriberet, quanto causatius in illâ

P R Æ F A T I O.

illâ ætate qua vivimus, ubi morbi non modo multi & fortasse veteribus graviores, sed etiam hominum delicata sunt, & fastidiosissima hodiè palata; hisceque temporibus, Medicamenta nova, magisque efficacia, quam apozemata, tum alterantia tum purgantia, Conservæ, Julapia, &c. quibus utebantur veteres, cum Chemica nondum satis innotuerat, inveniantur: qualia sunt Extr. Tincturæ, Essent, &c. quæ facile citò tutò atque jucunde cum nullo aut Medici errore aut patientis discrimine, vires suas per totum corpus diffundunt. Quis ergo hodie nisi stolidus repertis nuncibus adhucdum glandibus vescitur.

**Tempora mutantur & nos mutamur
in illis**

**Pollio amat nostram quamvis sit Ru-
stica Musam.**



D E R E M E D I C A

E T P R I M U M

De Universali ANODINO

N E M P E

O P I O.



Medicus qui à medendo nomen accepit, officio fungitur & nobili & magno ! Nam utile opus est ægrum pristinae sanitati, quam amisit restituere ; id vero arduum opus, in quo de multis non modo decogitandum, sed statuendum est. Hic enim agitur de corio humano ; & vitæ oportet sedulam curam gerere, postquam à morbis in discrimen haud leve adducta est, qui igitur ad infirmos ingreditur Medicus, hoc proponere sibi debet, ut omni animo omni arte ministrâ hoc agat quo æger liberetur, tutò, citò, jucundè, & compendio, ita enim intentum esse decet eum, qui appositè curabit è re atque Opera, non nomine futurus, tum vir bonus, tum prudens Medicus. Sed res Ardua vetustis novitatem dare, novis auctoritatem, obsoletis nitorem, obscuris lucem, fastiditis gratiam, dubiis fidem, omnibus vero natu-

ram, & naturæ suæ omnia. Itaque etiam non affecutis voluisse *abunde pulchrum*, atque magnificentum est. Verba sunt Plinii.

Nam bene Arnold. de Vill. Novâ, *compositis uti*, ubi *simplicia* sufficiunt dolus est, proinde ne *dolum* faciat formulis suis Medicus, *pauca eligat*.

1. Notabilis est locus Paracelsi de *Opiatis*,
 „ ubi inquit, *arcana* nos *deserebant*, *miracula*
 „ *præstitit specificum anodinum*, quod morbos
 „ *Exstinguit*, uti *ignem aqua* nam, addit præterea,
 „ quod *quiescit vel dormit*, id non agit, ergo
 „ morbus qui *anodino dormit*, non operatur, hinc
 „ in ipso *somno naturali*, cessant *melancholia*, &
 „ *animi perturbationes*: Imo ne quidem necesse est,
 „ ut *anodina somnum efficiant*, si inde morbi *som-*
 „ *num effecerint*, idcirco *anodina* non debent
 „ *accusari*, ac si *lethi somnum inducerent*, hæc
 ille nec absurde, adeo ut ab eo tempore frequens
 ceperit esse usus *anodinatorum*, & appellari opium
 præparatum *opiatum laudanum*, à *laudato* toties
 remedio. Sed *scholi* & *nasutuli* multa aggerunt,
 & *veneni* damnant, quasi *opiata* summe *frigida*
calorem & *vitam* perimerent. Verùm quâ ama-
 rum *frigidum* pronuntiaverunt, illi viderint,
 nam quocumque se vertant, nuspiam observa-
 bunt, quam id unum modo, quod ab *opiatis*
 intereant ii, qui nimium assumunt, vel qui
 debilioris non sunt ferendo, vel qui non assue-
 vere, adeo ut.

Opium noceat 1 *dosi*

2 debilibus & qui jam non procul à morte existunt

3 Inassuetis.

Nam quod 40 *torporem*, stuporemque adducunt inter noxas *opii* id perperam fit, quia *torpor* ille & *obstupeſcentia* à *somno* profundiore producitur, ita ut *vigiliis* ſponte evaneſcat, in primis ſi *doſis* fuerit moderata, atque *opium* non nihil *correctum*, & roborantibus mixtum. Si ergo mortem affert à *doſi* id fit & quia datur, ubi alia potiùs danda erant, quinimo ſi quem *torporem* cauſeretur *Opium*, is ſane longe minor erit præ illa debilitate & ſyndrome ſymptomatum quæ ab ipſo *dolore*, aliisque malis proveniunt, ſi ab *opio* non compeſcantur. Sed ut quæ dotes huic medicamini inſint videamus, age, qua ratione operetur, perſpiciamus igitur.

II. *Operatio Opii* in tribus effectibus, conſiſtit, quæ manifeſtæ ſunt paulo poſt, atque adhibetur. Etenim

1 *Somnum inducit*

2 *dolores ſopit*

3 *Excretiones* à violento motu convulſivo inductas, ſiſtit.

Unde patet & quo modo oporetur, & ubi con-
ducatur, ubi non conveniat uſus *opii* & *opiatorum*,
ſed ut ratio horum omnium eluceat, exprimenta
è *Chemia* & aliunde advocanda ſunt. *Opium* con-
ſtat ex ſale volatili, & pauco oleo, & olei parti-
culæ

eulæ partim sunt resinæ sp. vin. partim gummi aqua solubiles, alii rectius sustinent opium multo oleo; & pauco sale volatili præditum esse, tum has olei particulas partim esse resinam, partim gummi, id est ex parte in aqua, ex parte ab eadem non dissolvi, tandem quod dissolvitur, in minimas posse redigi portiunculas.

De Mannen van 'T N V hebben hare gedagten wegens de kragten van den Opium alsoo geboekstaeft, welke wy in haer eygetael kort en compendieus sullen aentrekken :

Opium bestaet uit een trager vluchtige oly, als d'aromatijcke met een gedeelte sal volat, en sal fix, is bitter door den oly met uitstekende pijltjes van 't sal volat, is swaer van reuck als een uitgebluste kaers of dove kolen. Voor sijn resineus gedeelte word in sp. vin. met sal tart. ontbonden; maer 't lymige smelt in 't water, is veel vetter als sp. vin. en heeft meer acidum, is slaepmaeckend. Omvat de zuure vluchtige deeltjes die zy belet met de vluchtige olien en souden te giften; mindert de circulatie en den aenpers, maer meer in de hersenen als 't hart, om dat die maer een gedeelte van 't bloet hebben, neemt alle pijnen uit woedent zuur weg, belet het zuur uit de Koors, Buick en roode Loop, stilt Colijck uitterlijck door 't vertragen der suure deeltjes, doet sweeten om dat door de vertraging niet ongevoellijck maer als water afscheyt, word gecorrigeert door aromata. Des van minder tot meerder opklimmende tot v. gr. te veel genomen word geholpen door acida.

Opium is veel vetter als sp. vin. en heeft meer acidum is slaep-makend.

sp. vin: is een seer oliagtig sap bestaet uit veel acidum.

§ 3. Jam in *phisiologia* ostendimus inter alia *somnum* ab *oleosis* promoveri, à *salibus* verò *volatilibus* prius arceri. Porro *succum nervum* ex *aqua* & *sale* *volatili* constare, certum est. Itaque qui ea *præmeditatus* est; videt *ratione olei*, sive *viscosa resina opium* inducere *somnum*, quando ore *assumptum* primo *dissolvitur* in *Ventriculo*, deinde *intestinis*, & tandem in *sanguine*, qui in *cerebrum* defert *liquorem* valde *oleosum*, unde inficitur *succus nervens*, imo inficiuntur omnes *succi glandularum* adeoque magis *oleosi*, & quidem *oleo*, quod ex parte *resina* est, nec *dissolvi* ab *aqua*, se patitur, imbuti, *crascescunt*, & *retardantur*, eam vero *crassitiem*, *retardationem*que primo & præcipue experire debet *succus* ille *delicatus cerebri* ac *nervorum*, qui non potest non *crascescere*, & hinc inde *concrelescere*, adeoque *subsistere*, quando tam *oleosus* evadit, & *olei particulis* imbutitur, non usque quoque *solubilibus*, id est *resinosus*. Hinc minis ex *pansus* commotusque *succus*, in *cerebro* & *nervis*, uno & aliis quoque *retardatus*, tria accidere debent, *somnus* sc. *insensibilitas* & *minor motus* non modo in *musculis*, sed & in *fibris motricibus*: quod si *crassities* paulo major & *retardatio* fuerint, aut *sensim crassities* paulo major & *retar-*

datio fuerint, aut sensim *crassities*, *retardioque*
accrescant, *motus fibrarum*, omnino cessabit, &
opium alioqui *salutiferum* evadet *lethiferum* at-
 que hoc modo operatur *opium*, *Pharmacæum*,
 quod ex *oleo* & *resina* pœne totum constat, ubi
 tantillum adest *amari volatilisque salis*, ut ex
 parte solubiles sint, & in minimas portiuncu-
 las, disserpantur. Hinc assumpto *opio* quatuor
 solutionibus particulæ dissolventur, & qua qua
 versum per omne genus *succorum* disperguntur,
 ita ut hac de causa *opium* vix in *sanguine*, flumi-
 ne adeo vasto & vehementi, sed plurimum pos-
 sit in succis tenuioribus *canalium subtilissimorum*,
 atque præcipue in illo *cerebri* & *nervorum*, qui præ
 reliquis hoc habet, quod ex *aqua* tantum & *sale vo-*
latili subtilissimo constet; cui si *olei* & *resinæ par-*
ticularum vel minimum quid admisceatur, ilico
 crascescit, aut subsistit, jam in *opio* non modo
 plurimum & *olei*, siue *resinæ viscosæ* sed tantillum
salis volatilis, & unde promptius dissolventur, & ad
 intima rapiuntur particulæ *pingues unæ* & *resinosæ*
indissolubiles, quarum hæ motui *succi* adeo *deli-*
cati & *celeris* obfistunt, & angustiis viarum re-
 luctantur, illa autem *succum oleosum*, *lentum*
ignavius efficiunt. Unde patet cur *olea stilati-*
la, etsi *oleosa* hunc tamen effectum non habeant;
 nam *acria* sunt *pinguentia*, & *exitantia*, tum etiam
resinam sæpe non habent, aut valde paucam, imo
sal volatile suum non tam arcte retinent, sed
aqua cui innatant, nec facile permiscentur,

id protinus tradunt, unde rursus dissolvi & dispergi in intima nequeunt, sed in *sanguine* subsistentes, ejus *oleo*, quod multum est, agglutinantur, ut adeo hunc in finem ex proposito composuit Deus *opium* quod *olei* & *resinae* per multum cum tantillo salis volatilis haberet, ex quo etiam patet solutio problematis, cur in tam *exigua dosi* tam miranda efficiat *opium* nimirum paucae particulae sufficiunt *succo nerveo* incrassando, aut coagulando, uti unicum moschi granum ingens spatium aëris odore suo replet, & *croci* vel *colocynthidis* tantillum magnam aquae quantitatem tingit, & amarum reddit. Imo capacissimum vitrum si *aqua* repletur à gelu congelatur aqua, cum hæc interim ne grano ponderis augeatur, vel diminuatur, igitur incrassando retardandoque *succum nerveum* operatur *opium*, ex quo elucet, cur *somnum* inducat, cur *sensum* auferat, & cur excretiones, *motusque fibrarum* cohibeat, cur denique nimium coagulando *mortem* afferat, quibus perspectis facile illa lis diruitur, an *frigidum* sit *opium* an calidum nempe.

Frigidum esse opium.

Ideo oportet pronuntiare, quia vis ejus ab effectu æstimatur, non autem à *sopore* tantum, aut alio quopiam, nam ut veteres, ita recentiores ex veritate asserunt, caloris esse, ut moveat, incidat, separet, & disjungat particulas, fri-

goris vero sistere, densare, & ad quietem deducere, jam qui *opium* sumpsit; non exitatur aut alacrior fit, sed in somnum primo propendit, tum incidit, hinc torpet, sensum amittit, vix exitatur, & exitatus languet, quæ omnia phænomena similia sunt, iis, quæ refrigerantur, & à gelu extinguuntur sed compertum quoque est in iis, quos *opium* perimerat non modo ante mortem frigidos, sudoresque actionumque paralises, quasi essent congelati, passos eos fuisse, verum in *cerebro* & alibi quoque ipsum *sanguinem* concrevisse, adeo ut ante & post mortem in facie & alibi *livores* apparuerint. Itaque hac ratione effectus *opium* frigidum est, & ne sit nimis frigidum anaræ salisque volatilis particulæ cavent, quæ id circo huic effectui producendo non sunt, nisi quod solutionem adjuvent quare hinc liceat potius *frigidum*, dicere *opium*, quam calidum ex eo, quod amarum sit, & culina ignem ardens; quod vero objectionem inde petant, quod *opium* externe admotum nullum *torporem* inducat, & *tumores* etiam *duros* discutiat, an hili est, nam dissolvi debet, & si discutit, ab ejus sale volatili est, quod penetrat, relicto sequi *oleo*, quid; quod vides experimenti dubio sit, cum in emplastris aliisque, quibus utuntur, præter *opium* alia potentissima discutienta applicentur, & de solo *opio*, quod discutiat, nondum usu constat, sic ergo viso operandi ratione, non difficile erit *usus* & *abusus opii* ac *opiatorum*, du-

cibus

cibus observationibus describere, nam

III. *Utilitas Opii* ubi duas insignes observare contingit, alias appellabimus *ordinarias*, alias *extraordinarias*: hæc raro & certis in casibus contingunt, illæ verè in plerisque & passim. Itaque,

1. *Ordinaria utilitas* varia est & multiplex, si *dosis justa* exhibeatur, & in primis si correctum fuerit *opium*, quod quibus fieri debeat, in capite de *materia Medica* dicemus, & jam dicimus in illo quod de *Chemia* est, inter utilitates vero sit,

1. *Somnus*, qui quanti sit prætii ex ipsa constat sanitate, quæ diu non perseverat absque somno cum igitur *somno* obnoxium hominem Deus voluit, & ab eo *mutatio* potissimum, vires & alia pendent, clarum est quas trista utilitates afferre ægris debeant *somnifera*, hoc magis quod *vigilia* plerisque molestæ esse soleant, quare hac in re multi nimis timidi sunt, cum *somnus* adeo sit necessarius, & ab arte exitatus longe majora commoda præstat, quam *opiata* incommoda afferunt, habita *dosis* & aliarum circumstantiarum, & *virium* præcipue ratione.

2. *Doloris diminutio vel cessatio*: Hæc utilitas tanta est, ut satis depredicari nequeat & propter eam *opiata* ubivis ferme locum inveniunt, quia raro absque *dolore* quis ægrotat. Jam etsi aliis quoque remediis sua laus non sit denegandum,

dum, neque iis uti negliget Medicus, tamen prima debentur opio, quod non modo *tuto* sed audacter, mox atque *dolor* exortus est, dabitur ab eo, qui *cito jucundo* & compendio curare volet, nam nisi *dolores* mox hoc remedio leniantur, ingravescent, & longum syndroma symptomatum post se trahunt, quæ omnia sæpe arcere licet una alterave *dosi opii* qui neglexerit, intuto collocabit ægrum, & reuserit eorum, quæ ex *dolore* non sedato consequuntur, tum etiam non curabit *cito*, quia dolor ingravescent, qui principio facile poterat pelli, deinde difficile abgitur: hoc magis quod symptomata, quæ concitat, non facile etiam curentur, nec etiam cura erit *jucunda dolorens*, quibus *opium* non opponitur, cum ægro molestum sit doloribus affligi, nec est quod vereantur Medici ab initio *dolores* sistere *opio*, quasi non causam, sed sensum tolleret, est enim *opium* inter *temperantia* princeps tum sæpe per *sudores*, alvum & *vomitum* evacuat. Quid? quod si quibus aliis opus est ut *acredo*, &c. tollantur, ea negligi non possint, neque effectum suo frustrabuntur, dato *opio*, idcirco semel in æternum sancimus cujusque *doloris curationem* ab *opio* inchoandum esse, ejusque in usu per servandum, quoties recrudescit dolor, modo rationem habeas.

1. *Virium*, ne illæ fuerint nimis dejectæ.
2. *Dolorum*, quando inoluerint, ubi parcius utendum opio hinc patet, quam latus usus opii,

opii, quia tot *doloribus* affligere solent *agri*, ubi nonquam non prodest, & dari debet, nisi quando *vires* id non permiserant, aut dolor diuturnus præter *virium dejectionem* alia mala graviora secum juncta habuerit, quæ nec *opio* possunt, nec ferunt eam *crassitiem*, quam in *succis* ingerit *Opium*, nam *succi* si fuerint valde crassi & tardi, ubi etiam multæ obstructions, potius *attenuantia* & *exultantia* desiderant, potest tamen prudenter & parca manu, atque per intervalla *opium* dari etiam his in casibus, modo *salia volatilia* aliaque non negligantur. Sic in *dolore colico* jam usu percrebuerunt *pillule* una purgantes & anodinæ, Vidit id quoque primus auctor *laudani opiiati* *Paracelsus*, quia cum *opio* permiscuit *aromata* & fortiora *exultantia*, ut utraque virtus in sanguinem pertransiret, & devicta prima ac potentiore, altera deinde superstitem *crassitiem* tolleretur, unde jam novum est, una cum *opio*, aut paulo post sal volatile larga dosi propinare, sed fructu, tam nobili, ut noxa, quas alioqui sentirent ab *opio*, omnes arceantur, depellanturque ideo *dolori* cuicumque competit curatio ab *opio*: quare jam usu confirmata est, talis in ipsa quoque *nephritide* ubi ab *opio* acerrimus dolor tam feliciter una cum vomitu admodum compescitur, ut deinde *calculi*, si qui adsint, sponte & ferme sine sensu, aut cum dolore tolerabili à renibus in *vesicam* descendant, quod nisi *opium* dederis, difficilior tardiusque fit, quia *meatus ureterum*

constringitur, qui contra apertus manet, sedato dolore itaque.

In curatione dolorum hæc est methodus vera ac legitima, quam ratio docet & usus confirmat, constans canonibus.

1. Mox à principio detur *dosis* *Opium*, à Minore incipiendo, maxime, qui non assueti.

2. Si una aut altera *dosis* non juverit, tertia & plures dentur.

3. Si dolor gravis, atque jam una *dosi* quiescere cæpit, antequam *Opium* vires cessaverint, quod 3. vel 4. horis plerumque fieri solet, rursus aliqua *dosis*, sed minor propinetur, & deinceps hoc modo pergendum, modo ne reliqua utilia omittantur.

4. Mox à fine operationis *Opium*, aut sub finem *dosis* larga confortantium, & imprimis salis volatilis puri ne negligatur.

5. Si *dolor diuturnus* & *vires lapsæ*, *opium* aut non aut parce; & rarius administretur.

Hos qui canones rite observarit, nunquam in usu *Opium* & *opiatorum* peccabit, non mede in *curatione dolorum*, sed ubivis.

III. *Conrulsivi motus repressio*. Hæc autem virtus dependet ab in crassione succorum, & imprimus nervei, à quorum tenuitate & agilitate motus fibrarum pene exitantur, itaque *Opium* in crassando referandoque *motus fibrarum* cum ordinarios, qui in sanitate, minuit, & si nimia *dosi* propinatur, sufflammat, tum violentos inde multi

multos morbos, egregie compescit, quia hi proficiuntur ab *acredine*, & in ordinato fluxu utrumque vero malum *opium* devincit *temperando*, *optundendo*, *incrassando* & *retardando*: atque hinc est, quod qui *opio* utuntur, ut plurimum alio *adstringantur*, imo sæpe *urine* aliquam *suppressionem* patiantur, & *fames* etiam minui solet ab *opio*, aut si nimia, ita eam extinguit, ut ad moderatam accedat, & vero non levis utilitas *opii* est in compescendis *motibus convulsivis*, nam ideo convenit

1. In *nimiis succorum excretionibus* &

1. In *vomitu* quem nihil adeo compescit, quam *opium*; sed advertendum an vomitus, debeat compesci; cum enim ab eo levantur ægri, & vires constant tantum ab est, ut compesci, utpotius *emetico* adjuvari debeat.

2. In *diarrhea*, de qua etiam eadem regula tenenda: sed in hoc casu ut in priore necesse est cum *opio* miscere *adstringentia* dicta, five certa quædam *absorbentia*.

3. In *dysenteria*, quam sine *opio* curare vix in Medico est: nam primò *acer* ille dolor *anodyna* expostulat, & gravia *symptomata* inde oriunda, si dolor non extemplo sedatur, deinde motus *convulsivus*, qui hic vehemens hoc medio compesci debet, & ab *anodyno* cum *absorbentibus*, atque *adstringentibus* præcipuè ex *marte* petitis cura faci-

lis est, *tuta*, *cita*, atque *jucunda* simul etiam magno compendio, neque opus est vel *purgatione*, vel tempore quo fluxus sibi relinquatur, nisi quando *dysenteria* levior est cum *diarrhaea* graviore complicata, tunc enim si dejecto parum *sanguinis* nihil *puris* admixtum habet, & viribus integris cum levamine procedit, nec dolores graves sunt, nec anxietates admodum magnæ, licet vel purgante uti, vel fluxum sibi relinquere, at in *dysenteria* vera *opium* nunquam negligendum, & si *vires* dejectæ subito fuerint, si *maligna dysenteria*, aut *pestis* passim sævit, *dysenteria castrensis* est, aut alia indicia *malignitatis* apparent, illico non modo *opium*, sed *salia volatilia* sive *sudorifera* exhibenda, quibus *cura* absolvi potest etiam absque *clysteribus* & similis *farinæ* quibus fatigari potius, quam curari solent *dysenterici*. Sed si *inveterata* fuerit, & jam *ulcus* genitum, & *vires* dejectæ, minus prolunt *opiata*, à quibus ab initio non est, quod metuas, quasi *ulcus sordidum* redderent, cum *ulcus dysenteriae* non *causa*, sed consequens sit in primis vero rationem habeat Medicus *juvantium* & *nocentium*, adeoque si ab uno, alterave dosi *opii* cum *absorbentibus* & *sudoriferis* data, *alvus* non reprimatur, nec *dolores* nec *anxietates* leniuntur, vel periculosa erit *dysenteria*, vel purgante opus est vel

poten-

potentiore, & repetito sudorifero, cum maligna scilicet est, alioquin in omni dysenteria ex temperantibus, etiam deluentia, & oleosa inter cætera conveniunt, tandem in hac cura canon est, à ratione & usu confirmata, ut scilicet in dysenteria opii dosis tanta sit, ut spatio 24 horarum ad 4 vel 5 grana extendatur: Ita enim fortiter, & subito acredo temperari, & motus convulsivus, dolores, anxietates, dejectionisque compesci debere, & solere modo vires usque quaque constiterint, ratio docet, clamat usus frequens.

4. In Cholera morbo & hypercatharsi, quæ species sunt, diarrhæa.
5. In Hemorrhagia qualibet, ubi opio cum adstringentibus primo debentur.
2. In motibus convulsivis aliis, hinc.
 1. In Vertigine.
 2. In Mania.
 3. In Epilepsia.
 4. In Delirio.
 5. In Asthmate.
 6. In Singultu.
 7. In Tussi.
 8. In Pleritide.
 9. In Phtisi.
 10. In Syncope ex suffocatione hypochondriaca.
 11. In Palpitatione.
 12. In Febris.

In quibus omnibus *opium polichreston* est, temperando acridinem, & cohibendo convulsivos motus, id circo aliis remediis permisceri, aut subinde intercalari debet his in casibus, sed in *mania dosis* aliquando quadrupla, vel major requiritur in primis, si *humectantia*, & alia addantur, sic in *delirio* quo vis non verendum etsi magis ab *opio* delirare videantur: in *Epilepsia* mire juvant *anodina* cum sale volatili, & *oleosis amaris*, imo tempestive data arcent insultus, unde nequidem infantibus ab *opio* cum *temperantibus* mixto abstinendum ita *singultus*, & *asthma* vix sine *opiatis* sanantur, verum adeo necessaria sunt,

In tussi

Ut *recentem tussim*, & *siccam* una alterave *dosi*, sæpe curaveris, in *humida* vero, quando *sputa* nimis tenuia, nihil adeo ea increstat, & cum vel crassiora sunt tuto cum *bechicis attenuantibus* exhibentur, ut acredo contemperetur, dum *visciditas* incidatur. Imo in *phrysi* & confirmata *tussi*, quæ sæpe incurabilis, nihil adeo lenit *tussim*, & vitam reddit tranquillior, cum vero *tussi*, adest *pluritis* vel *Peripneumonia* omnem paginam implent cum *absorbentibus*, *oleosisque* & sæpe *sudoriferis opiata*, non omitta V. S. recrudescente dolore, ita in *palpitatione* cum *absorbentibus opiata* bona, hinc etiam in ipsa *syncope*, quæ ab *hysterica passione* aut *malo hypochondriaco* prove-

provenit, nam in his casibus *acredo* & *motus convulsivi* peccant, & memoriabilis historia est, quam *Willis* recenset, ab opio quod somno provocando dederat fæminæ, quæ *hydropem* patiebatur, jam desperatam, tandem exitatos fuisse sudores, & ægram præter omnem expectationem convaluisse, tandem.

In Febris.

Laudabile *opium*, tam in *intermentibus*, & vel ipsa *quartana*, quam in continiis, sed nunquam absque *temperantibus sudoriferis* & dictis *antifebrilibus*, ceu usu jam toties à cordatis recentioribus compertum, & annuit ratio; nam ab *acredine* vellicante, & *motibus convulsivis* febris efficitur, quare hi compescendi, in *crassatione*, *retardatione*que, ista vero temperadi. Unde nequidem in *variolis* & *morbillis* vel ab initio cum erumpunt, opio abstinendum, utpote à quo *cruptio* non cessabit, sed *dosis* sit *mitior*, quia *succi* hic valde *crassi* & *acres* sunt, ac *concretioni* proximi, sed in his 10 affectibus, & quicumque cognati sunt, aut complicantur, in usu *opii* ad superiores canones attendat Medicus ita nihil est, quod metuat.

II. *Extraordinaria utilitas* vel potius *operatio*, quæ subinde & propter certa quædam, quæ subincidunt, evenit. Nam compertum est aliquando &

I. *Vigilias* potius, quam *somnum* exitasse. Nimirum si *succum nerveum* paulo crassior rem reddit *opium*, atque ab alia causa concurrente, *motus* in *sanguine* major sit, aut fiat. Non *somnus* sed *pertinaces vigilie* fient, quia *succis crassis* sed valide *motis* non facile quietem concedit, nec adeo dissipatur.

II. *Vomitum* movere, quem alias compescere solet. Id vero evenit vel

1. à *dosi magna*: sic qui *dragmam* 1. vel pluris vocarunt ut se interficerent, vomitu rejecerunt, tantum onus non ferente, non dissolvante stomacho, sed irritato, & se ad expulsionem contrahente,

2. à *virium imbecillitate*, & sic una quoque *ventriculi* primo quidem *somnum* facit, sed vix evigilarunt, quin *nausea* affligentur, & tandem *evomunt*; quod fit, quia *succus nerveus* parcius ab *opio* insuper in crassatus, *fibras motrices stomachi* minus inflat, hinc motum suum, quo contenta deorsumurgerent, servare nequeunt, tum ab *acredine succorum*, & ea, quæ in ipso ventriculo ab *opii* fæce remansit, eo, quod *dissolutio* minus completa sit in tali casu, insuper ab *acribus humoribus*; qui hic & in *intestinis*, *pancreate* ac *hepate* copiosius durante *somno* secernuntur, *ventriculus* irritatus ad *vomitum*, unde is non affligit nisi *debiles, teneros,*

teneros, *massuetos* & quorum *ventriculus* ac *intestina* bile viscida & acri scatet, quibus *opium* veluti emeticum est,

III. *Alvum subducere*, quod ad eum modum, uti de vomitu dictum est, accidere subinde potest in iis, qui alvo faciles sunt, & habent *acrium succorum copiam in intestinis crassis*,

IV. *Sudores ciere* : id quod *opii* effectus, non tam extraordinarius est, ita ut frequentissime *sudores* moveat, & hanc unam *excretionem* non supprimat, uti alias omnes, sed quasi excitet. Verum quod hic plane stupendum, *opium* *sudores* non cohibet, sed movere videtur, attamen in iis, qui *nimiis sudoribus* tenentur hos impedit *opium*, nempe sudor plerumque à somno fit, aut facilius in eodem, ergo *opium* quatenus *somniferum*, etiam *sudoriferum*. Deinde non sudant, qui sani sunt, & robusti, atque *succis subtilibus*, bene onusti : Jam *opium* increffat, & retardat, adeo debilitat, hinc sudor, hoc magis quod ne fiat sudor, *cutis fibra*, *succo nerveo subtili* arrigari & tendi debet, ut *cutis* strictior sit, ejusque *glandulae* compressiores, quod ad *transpirationem* satis est, jam ab *opio* increffato, retardatoque *succo nerveo fibra cutis* etiam non nihil resolvuntur, tensioque minor fit, mox tubuli *glandularum* reservan-

tur, hinc data porta ruet humor, cum in toto sit diminutus *succorum motus*, adeoque *transpiratio* retardata ut jam *insensibilia* non adeo expellantur, sed *humor* sive liquor, qui in cutem exstillat; eam actionem adjuvat *quies membrorum à somno, & lecti calor*. Maxime autem particulæ *salis volatilis*, quæ in *opio* sunt, quæque demum extricare sese incipiunt, post tot in canalibus multiplicibus, atque à multis succis solutiores; contra qui *sudoribus* laborant, ab opio levamentum sentiunt, quia in his *succus nervus*, & alii sunt nimis *aquosi & acres*, ita ut tubulos & *fibras motrices* erodant, & eliquent, hinc *membranarum omnium & cutis quoque ténérîtudo, macies, laxitas & quasi colliquatio*. Hos malos quodammodo medetur *opium*, sed cum absorbentibus, & adstringentibus, coagulando, incrassando, retardando & temperando imò *somnum* provocando, à quo teneræ partes uberiore *succo nutritio* irrigatæ qui in *somno* maxime distribui solet, reparantur, & minus flaccida redditæ magis detinent *succos suos*, itaque *sudore molesto liberantur*.

§ 4. Sic ergo non minimam partem methodo *medendi*, & potissimam *curationem morborum* exhibuimus. Nam cum *acredo* præcipua causa sit omnis pœne mali, atque ea *temperando* curari debeat, *temperantia* præcipua sunt artis *medendi* *auxilia*

auxilia sed ideo non præcipua tantum, sed unica sunt, quod ratione *materia* & *virium* ea, quæ *temperant* reliquorum auxiliorum *virtutes* possideant, ut §. 5. capitis proxime præcedentis ostensum est.

Movementia quæ vitium *tarditatis* emendant, ut & *attenuantia*, quæ *crassitie*, *dissolventia*, quæ *concretionis*, ac *aperientia* quæ *obstructionis* errorem corrigunt, omnia quotquot sunt ratione *materia* ipsissima *temperantia* existunt tantum si *oleosa* & ex *absorbentibus* *adstringentia* exceperis, quæ non concitant *motum*, nec *attenuant*, nec *dissolvunt*, nec *aperiunt*, nisi quatenus *acidum* in *crassans* temperant. Proinde de horum *utilitate*, *usu* & *applicatione* iidem teneantur canones, quos adduximus supra §. 2. nam juxta eos administrari debent in omni pœne morbo.

§. 5. Verum cum hic inverso ordine contra ac solent scholæ, & Medici pene omnes, qui vel artem describunt, vel exercent, primas tribuimus *temperantibus*, & inde ex iisdem *movementibus*, *attenuantibus*, atque *aperientibus*, operæ pretium erit, ut quid valeant, quid noceant. *Evacuantia* clare ob oculos statuamus, quo sic *medendi* artem nitore suo & decoro restituamus: nam quia *curationem* ferme omnes in *evacuando* collocarunt Medici, vel idcirco male audit *Medicina*, quæ adeo crudelis est, ut non dicam *mortalis*, & vero *evacuationem* esse de eo genere *remediorum*, quæ rarius in usum trahere oportet,

evincemus, nam uti aliquando membrum aliquod ense recidendum est, ne pars cincta trahatur, ita subinde *humores*, qui nequeunt emendari, debent expelli e corpore. Jam quot ac quanta sint *Evacuantia* ex superiore capite constat, nos autem, ut magnas utilitates *evacuanti- bus* illis, in quibus scholæ voluntantur, non adscribimus; ita primum locum damus iis, quæ vix *scholæ* videntur agnovisse, quæque in se ipsissima *temperantia* sunt, & *temperando* evacuant, itaque inter *evacuantia* non tantum prima nobis sunt, sed & præcipua ea, quæ ante appellavimus.

I. *Diaphoretica* quæ qualia sunt, & quantum excellant, præ cæteris *evacuantibus*, antea diximus id hoc loco monendum esse, hæc esse illa de schola *chemicorum arcana* quibus gravissimi & alioqui insanabiles *Morbi chronici* curantur, in quibus ordinaria methodus quæ utrumque in *acutis* subinde *successu* felici non destituitur, partim quia *acuti* ipso suo cursu & velut impetu ad finem properant & ægros vel jugelant vel manu mittunt, vel in chronicum conficiunt, etiam sæpe citra ullam artem, in quibus inquam *chronicis* cum *ordinaria methodus* coacta est discere, atque plures morbos sibi esse incurabiles quasi confiteri; hæc *arcana* sunt, hæc *diaphoretica*, quæ *viscosum* illud attenuando, *acredinem* temperando, utrumque vero per insensibilem transpirationem expellendo, tandem pertinacissi-
mos

mos morbos superant, & extinguunt, ut ea propter usus eorum debeat esse multo frequentior, missis tot aliis quibus miscere torquentur, & non raro enecantur ægri ipso morbo, & *symptomatibus* aliis sat superque afflictis his proximo loco adjungemus.

II. *Sudorifera*, quæ nonnullis *acutis* dicata videntur, uti *diaphoretica chronicis* omnibus, sed merito dubitatur, an *sudorifera* juverint, eo quod *sudores* cieant, imò ex parte *diaphoresin* promoveant, ut quæ *sudorem* consequi facile potest, quia *sanguis* valde attenuatus, & inordinate commotus, etsi tunc *transpiratio* minor sit, deinde tamen restitutis poterit copiose *transpirare*. Id etiam confirmat usus jam frequens *sudoriferorum*, quæ sic usurpata sunt, ut nullam aut paucum *sudorum* excitaverint, interim eadem subsequente *utilitate* & effectu, ad hæc nunquam *sudor* à *sudoriferis* famosis exitatur sine *virium* jactura, *anxietate* & *macie*, imprimis *succorum*, ita ut *sudorifera* saltem ideo minus tuta & jucunda esse debeant, quod non modo non medeantur *defectui succorum* sed eundem augeant, quodque non modo *vires* non conservent, aut restituant, sed dejiciant. Verum quid multa : ubi quæso reperiuntur *sudorifera* ? id quidem negari non debet ab iis, quæ *sudorifera* audiunt, subinde *sudores* subsequi, sed ita ut potius à morbo dependeant, aut *calore lecti*, *balnei*, *foci* vel *fomentorum* : Hæc enim nisi adjuverint, ubi
&

& quando à *sudoriferis sudorem* quis certo expectabit, uti ab *emetico vomitum* & à *cathartico alvi subductionem*? Unum vero & omnibus reliquis utilius *sudoriferum* in *potione calida* & quidem præcipue *theæ*, reperitur, qua *sudores* non modo moventur, quoties libet, iis etiam, qui alioqui non possunt ad eos cogi, sed adeo facile jucundeque perrumpunt, simul & copiose, ut nihil facilius jucundiusque desiderari queat imo quod hic plenè novum, hæc *sudatio* plane *tuta*, & ubi alia omnes angunt, atque debilitant, hæc *vires* non dejicit, verum auget, licet *indies celebretur*. Ad id mox desideratur, ut *experientia* fiat, utrum *acutis* tam *felix* sit, quam *chronicis*, & ipsis etiam *sanis*, nam qui *acutis* laborant, *calidum sæpe potum* non sorbent commodo, & *frigidum* ardentissimè appetunt, ratio tamen eum jubet in usum trahi, & futurus est multis de causis utilissimus, nam diluit, defectum restituet *aquæ*, temperabit, attenuabit, movebit, & si quid educendum, educet, ut ergo *potus theæ* in *chronicis* pariter & in *acutis* convenit, ita ordinario *acutis* applicantur *famosa illa sudorifera*, quæ vel *temperatiora* ex invertentibus, vel *calidiora* ex *sale volatili* & *maxime oleosis* atque *amaris*, vulgo *calidis* existunt: his utuntur in *acutis morbis*, quando *calores* non ita urgent, aut *malignitas* adest: illis vero in *maiore fervore*; sæpe etiam ambo hæc commiscantur, aut præmissa una vel altera dosi *calidiorum*, demum *temperatiora* usui sunt

sunt, atque hæc methodus bona est, modo ne sudores cogantur, cum præstet nullum quam coactum prodire sudorem, id tamen in variolis, morbillisque advertendum, ne calidiora nimium exagitent crassas atque acres particulas, quas subito subigere expellere nequeunt, imprimis cum in hoc casu omne calidum debilitat, & incrascat, quatenus subtiliores particulas expellit, hic ergo & alibi, ut valde crassi & acres succi sunt, lento gradu procedendum per temperatiora nisi fuerit malignitas, tunc subito calidissimis tam grave malum tollendum; at in chronicis alia quædam sudatio celebris est, nec plane contemnenda utpote qua pertinaces morbi aliquando expugnantur, ita ut Verulamius eam crediderit utilem esse ad vitæ prolongationem, instaurando sc. novos succos malis antea absumptis, & vero quia hæc sudatio ex potu constat, primum saltem convenit defectui succorum; deinde temperat & attenuat, movetque ac deobstruit potenter, quia ex aqua diluente & lignorum in primis particulis resinosis, oleosis & salinis constat, ubi tertium & quartum quoque commodum reperitur, nam ratione materia hoc sudoriferum, si ex *salsaparilla* & *china* componitur, iis convenit, qui calida minus ferunt, si ex *guajaco* *sassafras* aliisque jam frigidiores juvat: ultimo hoc modo omnes succi emendantur, quia non tantum temperantur, & attenuantur, sed expelluntur, usque ad *maciem* & summam extenuationem, prohibente tenuissimo

victu & ferme medio, quam hic imperare solent, ne *succi* malide novo generentur. Idcirco aegri tam severa *abstinentia* & variis *sudationibus* spatio aliquot hebdomadarum emaciati, tandem optimo victu novos & non nisi bonos *succos* generant, quia *expulsis* omnibus & superstitibus temperatis attenuatisque, novus *chylus* ex laudabili alimento adveniens bene nutrit, hinc in hac cura pertinacissimæ *obstructiones* *lesionesque* *canalium* etiam sanari solent, ita ut *durissimi topi*, *vitiæque cutis*, & *ossium*, alioqui incurabilia, dispateant, nam in illa *abstinentia* & *sudatione* adeo *succi* moventur, attenuantur, & expelluntur, ut impetu illo valido & diutino graves *obstructiones* referentur, ac *succi concreti* & *subsistentes* dissolvantur, & in novum circuitum abripiantur, sed hæc methodus non cito nec jucunde curat, imo sæpe non admodum tuto, quia *morbi* aboliti quidem videntur, sed tandem recrudescunt, & multi non ferunt tantam *inediam*, & tot sudores : qui vero *macie* tentantur, ita sæpe intereunt, quare alio modo & leviori *sudatio* hæc institui debet, ut sc. rarius sudent, nec victu tam tenui utantur, atque hæc methodus tuta, jucunda & efficax, eaque meretur cum Verulamio appellari *instauratio* hæc autem in multis *chronicis* utilis est, in *Lue Venerea*, aliisque plane necessaria, sed in *hydrope* primario convenit, ita tamen ut ab *externo igne* potius quam à *remedio* instituat^{ur} *sudatio*, tandem *ulcera inveterata* hoc modo feliciter per^{sanantur}.

III. *Diuretica* ratione *materia* non alia sunt quam *temperantia*, ut antea ostensum est: verum an ab effectu, qui tam rarus est, denominari debeant, quæ casu potius *urinas* pellunt, merito dubitatur, & gravius hic errant, qui *diureticorum* utilitatem in *diuresi* collocant, quam qui *sudoriferorum*, in *sudore*. Nam *urinae* provocatio & *effluxus* in nullo morbo juvabit, quam in *suppressione* ejus vel tota vel aliqua: alibi si *diuretica* profuerunt, *temperando* & *attenuando*, non vero *urinam* copiose pellendo profunt; at vero & quatuor speciebus *diureticorum*, nimirum *oleosorum*, quæ lubricant, *aqueorum*, quæ lotio materiam prebent, *salinorum*, & etiam *acidorum*, quæ stimulant, ubi *catharides* præcipuæ sunt, item *vermes*, & alia *caustica*, ex his in quam, *acidum* minus tuta sunt, & *salina* sæpe minus acria, ita ut *dolores*, *ardores* & *inflammationem vesicæ* cum mictu sanguinis inducant, cæterum exiguo cum fructu, qui etiam sine *diuresi* & illa molestia, vel periculo à solis *temperantibus* haberi potest, *oleosa* autem parum movent *lotium*, & vana plerumque illa lubricitas, quam induceret, sed *aquea* valde conducunt, in primis *calide pota* & *sali volatili oleoso* prædita, hinc *Thea potus* maximum est, ut *sudoriferum*, ita *diureticum*, ut ab hoc, si quid commodi sperandum ex *diuresi*, insignis esse utilitas debeat & vero fatendum cum *urina* copiosa *acredinem* multam educi, adeo ut hac potione præ aliis omnibus *succi* videantur egregie tem-

perari debere, sed & *crassos* attenuari, ita quoque in hac specie *diureticorum therma* sive *aqua minerales* pleræque consistunt, utpote quæ *urinam* pellunt, id est in *lotium* transeunt, & sub inde cum *canales* omnes pertranseunt, qui aperti sunt, eos, qui obstructi reserant impetu suo, cæterum *acredines*, *crassitiesque* & corrigunt, & educunt, sæpe tamen lædunt, sive quod *mineralia acriora* contineant, sive quod *frigida* contineant sive quod *frigida* fuerint, & hinc *imbecillioribus* ac *frigidioribus* nocent, & quandoque *phtysin* vel *hydropem* inducunt.

I V. *Bechica*, quæ non alia sunt, quam *temperantia*, ita ut in eorum usu id monendum veniat, ne illa, quæ ad *incidendum* exhibentur, quasi *excretio* sputorum adeo foret promovenda, cum potius impediri debeat ne generentur, sed qui *acidis* aut *dulcibus* hic abutuntur, pessime ægris consulunt, & non modo *stomachum* pervertunt, sed *tabem* & *phtysin* producant.

V. *Salivam moventia* trium generum, *Errhina* sc. sive *ptarmica*, quæ *sternutationem* concitant, *apoplegmatisantia*, quæ *masticata* salivam ex ore eliciunt, & ultimo quæ *ptyalismum* concitant, priora an ullam utilitatem præstent, dubitatur nam quod a *cerebro* *puitam* eliciant, error est, sunt tamen qui *phlegma* affligi solent, quos *errhina* vel *apoplegmatisantia* juvare videntur, qui autem *tabaci fumo* utuntur, ut salivam copiose egerant, toto cælo errant, cum alia ratione
profit

profit *tabaci fumus*, ut *Turcis* in more sit tota die eundum haurire absque *sputatione*, sed

Ptyalismus à Mercurio.

Quam habeat utilitatem, & qua cum circum-
 spectione institui possit ambigitur, enimvero
 funesta exempla multa sunt, sed alia etiam, ubi
 bene cessit : hinc in *Lue Venere* percelebris usus
Mercurii & alii ad alios morbos etiam applicarunt,
 sed fructu plerumque exiguo. Hinc fateri de-
 bent *Podagram* & alia mala nuncquam *Mercurio*
 curari, imo ipsa illa *Lues*, cujus specificum *Mer-*
curius creditur, & *Ptyalismus*, sæpe non tantum
 non curatur, sed efferatur, eluditque vel quar-
 tam aliquando *inunctionem*, tum vero adhuc à
sudatione ex *guajaco*, &c. sæpe depellitur, cru-
 delis etiam est *Ptyalismus*, & *ulcera doloris*
plena, *virium imbecillitatem*, *anginam*, *dysen-*
teriam & non raro *mortem* post se trahit, quod si
 autem bene videatur succedere, post longum
 tempus *caries ossium* & intollerabiles *dolores*, imo
 subinde *cacitas*, *surditasque* sequuntur, qui enim si-
 bi imaginantur, *Mercurium* tantum esse infestum,
 errant : Nam *Mercurius* in *sanguinem* transit &
 universum corpus, *acidumque* omne in se sor-
 bet, præcipitatur, fit acris, & rodit in ore qui-
 dem, ut conspicuum sit, sed alibi non minus
 rodit, ceu *symptomata* testantur, unde pericu-
 lum non minus, & vel illud, quod qui *Ptya-*

lismo tentantur, non audeant in frigidum *aërem* prodire, quin suffocentur, aut angantur, unde nemo prudens hoc remedio utitur, nisi in desperatis casibus, ubi omnia alia præsidia nihil juvant, ut autem frigus periculosum, ita hanc curam facilius tolerant, & nihil ferme conquerentur *Gal-
li, Itali, Hyspani, & Indi. Germanis, Anglis, Belgis, &c.* sub frigidiorē aëre, crassioreque vita sæpius mala curatio est, idcirco etiam juvenes facile ferunt Mercurium, & vir magis quam *femina*, quæ ut plerumque *pallidiores* sunt, quam viri, ita post *Ptyalismum* admodum pallere solent, id quod *viris* subinde accidit, ut à 2 vel 3 *Ptyalismo* in facie retineant coloremusco-pallidum, & veluti *cadaverosum*, cum habitu oris *fatidissimo*, *casu dentium* aliisque; quod si tamen instituitur, ut lento gradu *Ptyalismus* moveatur, & *Mercurius* potius per cutem, quam os ingeratur, in *inunctione* sc. vel *emplastro*: nam *fumus* multo perniciosior, qui inter alia *tremores & Paralyfes* inducere solet, uti etiam accidit metallorum *fossoribus*. in *inunctione* ne sit nimium Mercurii, unde ejus uncix iv. cum libra semi pinguedinis, & una *therebinthina*, sufficiunt, hujus mixtura uncix iii. vel iv. inungantur, *plantis pedum, cruribus, brachiis & scapula, spina* ac, non vero abdomini, & bis vel semel in die inungantur, sic tertio die incipiet *salivatio*, quæ si non fiat, quarto die adhuc bis inungantur, ne tamen *inunctio* perseve-

rat

ret ad octo dies, quod si *Psysalismus* sit nimis vehementens, *auri* frusto in ore detento, *Mercurius* eliciatur : *anodyna* & *temperantia* exhibeantur, *acida* autem & *frigus* fugiant *agri*: quod si *dysenteria* & *stranguria* advenerint, *lac* conducit, quod etiam una cum *jusculis* & *bocheto* pro potu ordinario & cibo venit iis, qui jam *Ptyalismo* laborant.

*Ut ego Majores, sic me coluere minores,
Disce puer virtutem ex me ; verumque laborem,
Justitiamque, Deum scis purâ mente colendum.
Multa feras, faciasque puer ! sudabis & alges
Ut dignus venias hederis, & imagine macrâ !
Spes nulla ulterior ! didicit jam dives avarus
Tantum admirari ! tantum laudare disertos,
Ui pueri Junonis avem ; sed defluit ætas
Et Pelagi patiens, & Cassidis, atque Ligonis.
Tunc se suamque Ipersichorem odit, nuda atque facunda
senectus,*

*O misera virtus, nomen inane, te quidem
Ceu rem colebam ! at tu Fortunæ serva eras.*

O Fortuna viris invida Fortibus !

Non equidem invideo, miror magis !

Quam indignis præmia dividis ! Scilicet

Præmia si tollas periere Palladis artes,


*Adeonè scire tuum nihil est, nisi te scire hoc sciat alter
Marcet sine contrario Virtus.*

Tu contra audacior ito ! nec terreas Personâ :

Stes ceu Marpesta cautes,

Te teneo, teneant te superflua Divi.

*Clandite jam rivos pueri, locus hic sacer est, sat prata
biberunt.*



Boot. Cap 7. de oris

Hæmorrhagia periodica. —

Jacob: asserii archiepiscopi.

Cap. 10. de Labrosulcis seu

Cheilocace. Malum hoc
nonnullis sponte aut levibus
remediis cænescit, ast plerumq;
si diutius negligatur aut perperam
curatur, contumacissimum evadit
ita ut postea difficillime tollatur.

Cap 12. Prospectorea. Ego

autopsia deprehendi rem ita de
habere, neque unquam mihi adhuc
infantis dicto morbo defuncti, corpus
aperire contigit, in quo non prægrandis
quomodi hepax reperitur.

